

1662.
Motiva hujus
Constitut.

§.1. Alias siquidem Nos certis ex causis tunc expressis adducti auctoritate apostolica statuimus, decrevimus, & ordinavimus Conventum, seu Seminarium Sancti Pauli, sive Sanctae Mariae de Victoria nuncupat. de Urbe Ordinis Fratrum ejusdem Sanctae Mariae de Monte Carmelo Discalceatorum nuncupatorum, esse debere Provinciae Romanae ejusdem Ordinis Provinciali Romano subiectum in omnibus, & per omnia, etiam quoad Conventualitatem Fratrum non Seminariorum ad instar aliorum dictae Provinciae Conventuum, ac Officiales a Capitulo Generali, seu Definitorio Generali electos, & ibidem constitutos dimittendos, videlicet Priorem, Subpriorem, seu Vicarium, & ad Capitulum Provinciale ejusdem Provinciae Romanae in futurum spectare electionem Prioris (cui participatione tamen, & approbatione, quoad hunc Congregationis Venerabilium Fratrum nostrorum S. R. E. Cardinalium negotio Propagandae Fidei Praepositorum) necnon etiam Subprioris, seu Vicarii, aliorumque Officialium Conventus, seu Seminarium hujusmodi ad formam Constitutionum praedictae Religionis, remanentibus tamen ibidem Seminario, & Seminaristis, eorumque controversiarum, & Linguarum Orientalium Lectoribus, & Magistris tunc existentibus, & pro tempore futuris, quorum electio, & amotio cum participatione Praepositi Generalis dicti Ordinis ad Congregationem Cardinalium praedictorum in futurum spectaret, & pertineret. Insuper administrationem omnium, & singulorum bonorum, reddituum, & proventuum tam a quondam Francisco Cimino Barone de Accurri, quam ab aliis relictorum, datorum, seu donatorum, & imposterum relinquendorum, dandorum, seu donandorum, videlicet pro Missionibus faciendis cura, & diligentia dictae Congregationis Cardinalium, amotis Syndicis, & Procuratoribus quibuscumque praedicti Ordinis commissimus. Praeterea quamvis Conventus praefatus esset, & esse deberet, ut supra, Provinciae Romanae, volumus nihilominus, ut in illo, ut ante dictum est, Seminarista, eorumque Lectores, & Magistri una cum Fratribus ejusdem Provinciae libere cohabitare, & convenire valerent, pro alimentis vero, sustentatione, vestitu, famulatu, aliisque necessariis Seminaristarum, eorumque Lectorum solverentur praedicto Conventui, seu ejus Priori, aut Procuratori per Congregationis praedictorum Cardinalium Ministros ex redditibus dicti Seminarium, vel pro Missionibus, ut supra, relictis, seu in posterum relinquendis annea scuta quadraginta pro quolibet Seminarista, vel Lectore pro tempore, & rata temporis, quo quilibet Lector, & Seminarista ibi resideret, ac cohabitaret, & conviveret, remanentibus ad Conventus commodum elemosynis, seu emolumentis pro Missis a praedictis Seminaristis, Lectoribus, & Magistris celebrandis quomodolibet resultantibus. At si Lector pro

studio Linguarum foret Secularis, vel Religiosus alterius Ordinis, competens ei stipendium ex dicti Seminarium redditibus, ejusdem Congregationis Cardinalium arbitrio assignaretur, & alias prout in nostris in simili forma Brevis literis, die 24. Septembris 1655. desuper expeditis, quarum tenorem praesentibus pro plene, & sufficienter expresso, & inserto haberi volumus, uberius continetur.

§.2. Cum autem, sicut dilectus filius Dominicus a Sanctissima Trinitate Praepositus Generalis Congregationis Italiae Fratrum Discalceatorum dicti Ordinis Beatae Mariae de Monte Carmelo, Nobis nuper exponi fecit, dilectus filius noster Franciscus S. M. in Porticu Diaconus Card. Mardalchini nuncupatus, qui Monasterium Abbatiam nuncupatum S. Pancratii prope, & extra moenia Urbis olim suppressi Ordinis Fratrum Sanctorum Barnabae, & Ambrosii ad Nemus in commendam ad sui vitam ex concessione, & dispensatione Apostolica obtineat, Ecclesiam ejusdem Sancti Pancratii, ac Fabricas illi adjacentes, & viridarium, necnon terras illi contiguas, ac annexas, & connexas circumcirca Ecclesiam, & Monasterium hujusmodi eidem Dominico Praeposito Generali, ac Congregationi Italiae, ad hoc, ut Seminarium, praedictum commodius illuc transferri, seu ibidem de novo erigi valeat; reservato tamen nostro, & Sedis Apostolicae beneplacito, concesserit cum diversis pactis, & conditionibus, & alias prout latius continetur in publico desuper confecto instrumento tenoris, qui sequitur, videlicet.

§.3. In Nomine Domini Amen. Praesenti publico Instrumento cunctis ubique pateat evidenter, & sit notum quod Anno ab ejusdem D. N. Jesu Christi Nativitate 1662. Indictione 15. die vero 7. Januarii, Pontificatus autem Sanctissimi in Christo Patris, & D. N. Domini Alexandri Divina Providentia Papae VII. Anno ejus septimo: In mei Antimi Curti Curiae causarum Camerae Apostolicae, ac D. Innocentii Meuli Notariorum publicorum insolidum rogati, Testiumque infrascriptorum ad haec omnia, & singula vocatorum, habitorum, atque rogatorum praesentia Praesens, & personaliter constitutus Perill. & Excell. D. Julius Caesar Serronus in Romana Curia Advocatus Nobis, &c. cognitus Procurator ad infrascripta peragendum specialiter constitutus ab Eminentiss. & Reverendiss. D. Francisco Tituli S. Mariae in Porticu Diacono Cardinali Mardalchino nuncupato, ac perpetuo Commendatario Abbate nuncupato Monasterii Abbatia nuncupati S. Pancratii prope, & extra moenia Urbis olim suppressi Ordinis Sanctorum Barnabae, & Ambrosii ad Nemus, ut de ejus mandato Procure constat in actis mei Curti sub hodierna die ad hoc cui Eminentiss. D. Cardinali nil magis cura est, ut quantum per vires licet Catholica Religio ubique Terrarum Orbis, semotis hereticorum, & infidelium falsis dogmatibus propagetur, ac in Eccle-

Expositio.

Decretum
Alex.VII.

sis Monasteriorum ejus regimini, & gubernio ex benignitate Sedis Apostolicae commissis divinis cultus, ac Ministrorum Ecclesiasticorum numerus augeatur, inibi que divina officia majori, qua potest veneratione peragantur, ac exoptatum finem aliqua in parte consequi sperans si per ipsum Ecclesiam praedictam, ac Fabricam illi adjacentes, & viridarium, necnon Terram illi contiguam, ac annexam, & connexam circumcirca Ecclesiam, ac Monasterium hujusmodi ad hoc, ut commodius Seminarium Missionum sub titulo S. Pauli Fratrum Carmelitarum Discalceatorum Congregationis Italiae Ordinis Beatae Mariae Virginis de Monte Carmelo ad praesens existens in domo Regulari, seu Conventu Sanctae Mariae de Victoria nuncupata de Urbe ejusdem Ordinis, ad praedictum Monasterium Sancti Pancratii, Apostolica auctoritate transferri, seu in eo denuo erigi valeat, quantum in se est, concederetur, & assignarentur.

Quapropter ex causis praedictis dictus D. Julius Caesar Serronus Procuratorio nomine, ut supra, reservato in primis, & ante omnia beneplacito Apostolico, & non alias, aliter, nec alio modo, & c. sponte, & c. omni meliori modo, & c. Ecclesiam, ac Fabricas, & Viridarium, necnon Terras praedictas in eodem statu, & esse in quo ad praesens reperiuntur pro dicto Seminario ad effectum illius translationis, sive novae erectionis, ut praefatur, absque alio praedicti ipsius Eminentiss. D. Cardinalis, ejusque in dicto Monasterio Successorum, Praepositi, ac Definitoribus Generalibus, aliisque Superioribus praesentibus, & pro tempore existentibus dicti Ordinis, ceterisque Religiosis ejusdem Ordinis, licet absentes Reverendissimo P. Dominico a Sanctissima Trinitate Praeposito Generali dicti Ordinis Carmelitarum Discalceatorum, necnon Adm. Rev. P. Philippo a Sanctissima Trinitate, & Rev. P. Balthasare a S. Catharina Senensis Definitoribus Generalibus praedicti Ordinis Congregationis Italiae praesentibus, & acceptantibus etiam pro Adm. RR. PP. Joanne a Sancto Hieronymo, & Paulo a Sanctissimo Sacramento etiam Definitoribus Generalibus Ordinis, & Congregationis praedictae absentibus, pro quibus, & quatenus opus sit, de rato in forma promittentibus. Ita quod & c. alias & c. in perpetuum concessit, & assignavit cum clausula, & effectu constituti in forma nullo jure, & c. nisi infrascriptis legibus, conditionibus, & reservationibus inter ipsum Eminentissimum D. Cardinalem, & praedictos Rev. P. Praepositorum Generalem, & Adm. RR. PP. Definitorum nomine proprio, ac totius Ordinis hujusmodi sub eodem beneplacito Apostolico conventis, & statutis, videlicet.

Quod Titulus, & denominatio Abbatiae praedictae, ac fructus, redditus, proventus, jura, obventiones, emolumenta, res, bona, dona, proprietates, praedia, jurisdictiones, actiones, annexa, & connexa, pertinentia, dependentia, adjacentia,

praeter praemissa, Census, Canones, Responiones, & alia quaecumque in quibusvis rebus consistentia bona ad Monasterium, praedictum quomodolibet, & quocumque titulo spectantia, & pertinentia, ad praedictum D. Cardinalem, & ejus in dicto Monasterio Successores libere, ac pleno jure, perinde, ac si concessio praedicta facta non fuisset, perpetuo reservata existant; Itaut eadem concessio semper intelligatur facta, & esse debeat de folis, & nudis muris ipsius Ecclesiae, illiusque domorum, ac de Viridario, & Terris praedictis, ac omnia, & singula alia superius expressa praeter haec praemissa a praedictis Ecclesia, & Monasterio, etiam perpetuo, penitus, & omnino sejuncta, disjuncta, divisa, separata, & segregata esse debeant, & intelligantur. Itaut Praepositus Generalis, & alij Superiores, ac Fratres Seminarium, & Ordinis hujusmodi ad quorum favorem haec concessio fit, nil aliud unquam perpetuis futuris temporibus quovis praetextu, etiam inopinato, & ex quavis causa, etiam ratione onerum praedictae Ecclesiae incumbendum, & illorum adimplementi, etiam si aliquid ex praemissis pro adimplemento onerum specialiter donatum, seu relictum fuisset, habere, & pretendere non possint, praeterquam nudam Ecclesiam, Fabricas, Viridarium, & Terras praedictas, necnon etiam eidem Eminentissimo D. Cardinali, ac ejus in praedicto Monasterio Successoribus tres stant in dicto Monasterio prope Portariam ad eorum dumtaxat usum, & habitationem pro illorum personis tantum reserventur, & reservatae existant, & intelligantur, & praedicti Praepositi, & Definitorum Generales, & pro tempore existentes Superiores, & alij Religiosi dicti Ordinis teneantur, & obligati existant, prout supra dicti Reverendissimi P. Praepositi, & PP. Philippus, & Balthasar Definitorum, & pro aliis Definitoribus, ut supra obligantur, & promiserunt quandiu Seminarium praedictum in Aedibus praedictae Ecclesiae permanserit proprii Seminarium, seu Congregationis, aut Ordinis hujusmodi sumptibus, & absque eo, quod a praedicto Eminentissimo D. Cardinali, sive ejus in dicto Monasterio Successoribus aliquid unquam pro tempore consequi, seu pretendere valeant in praedicto Monasterio Sacerdotes habere, & tenere, qui Missas in praedicta Ecclesia celebrent, & Divina Officia peragant, ac omnia, & singula onera, dictaeque Ecclesiae quomodolibet incumbenda, tam ea, quae ad praesens in lucem prodierunt, quam alia quaecumque, quae forsitan tractu temporis detegerentur, ad amissum, & unquam adimpleant confecto per eos libro, in quo onera praedicta, quorum notitia ad praesens habetur, adnotentur, & etiam simili modo alia, quae forsitan in futurum apparere contingat, quem librum tertio quoquo anno ad dictum Eminentissimum D. Cardinalem, & Commendatarium pro tempore existentem teneantur deferre, ut videre possint, an onera sint adimpleta, necnon omnes reparaciones

C c

nes necessarias, tam in dicta Ecclesia, quam Aedibus prædicti Monasterii propriis sumptibus facere. Itaut prædictus Eminentissimus D. Cardinalis, & ejus in dicto Monasterio Successores aliquid occasione reparationum prædictarum contribuere minime teneantur, nisi casu, quo tractu temporis Ecclesia, seu Monasterium hujusmodi in totum, vel in notabili parte rueret, tunc enim Ecclesie, seu Monasterii hujusmodi refectio ad prædictum Eminentissimum D. Cardinalem, & ejus in dicto Monasterio Successores spectet, & pertineat; neque liceat Præposito Generali, aliisque Superioribus, & Religiosis dicti Ordinis perpetuis futuris temporibus Ecclesiam, seu Fabricas, & Viridarium, & Terras prædictas cuiuscumque alii Religioni, seu personæ cuiuscumque gradus, status, & conditionis, etiam speciali nota digna, quocumque titulo, prætextu, causa, & occasione, neque in toto, neque in parte etiam minima concedere, neque ad effectum, concessionis hujusmodi licentiam, & facultatem a Sede Apostolica petere, & obtinere: liceat tamen quascumque commoditates eisdem PP. placitas, & beneficas in Ecclesia, & Monasterio prædictis pro eorum arbitrio peragere, debeantque Religiosi dicti Ordinis, qui in dicto Monasterio permanferint, ornamenta Altarium, & paramenta Ecclesiastica, ac suppellectiles Sacras in meliorem statum reducere, & ut bona mobilia, & suppellectilia Ecclesie, & Monasterii hujusmodi majori, qua potest, cura conserventur, & manuteneantur, debeantque etiam conficere Inventarium, in quo mobilia, & suppellectilia prædicta cum eorum qualitatibus, & statu, in quo ad præsens reperiuntur, adnotentur, & de illis teneantur Religiosi prædicti, prout dicti Patres Definidores præfentes, nominibus, quibus supra promiserunt, & se obligarunt, bonum, & fidele computum reddere prædicto Eminentissimo D. Cardinali, & ejus in dicto Monasterio Successoribus: ac si tractu temporis Seminarium prædictum a prædicto Monasterio amoveatur, seu amplius non subsistat, ac Religiosi dicti Ordinis dictum locum relinquunt, tunc, & eo casu, etiam teneantur, & obligati existant Ecclesiam, Fabricas, Viridarium, & Terras prædictas, cum omnibus, & singulis reparationibus, melioramentis, commoditatibus, & ornamentis per Religiosos dicti Ordinis in eisdem Ecclesia, Fabricis, Viridario, & Terris quomodolibet factis prædicto Eminentissimo D. Cardinali, sive ejus in dicto Monasterio Successoribus habere, seu quocumque titulo pretendere possint, & valeant. Itaut prædictus Eminentissimus D. Cardinalis, sive ejus in dicto Monasterio Successores, præmissorum omnium, & singulorum possessionem propria auctoritate, & de facto absque Judicis sententia, sive ministerio apprehendere,

Concessionibus.

& retinere possint, & valeant, expresso ad id Præpositi Generalis, & Definitorum prædictorum proprio, & totius Ordinis hujusmodi nomine accedente consensu.

Declarantes, & constituentes se præcaro nomine Commendatarii pro tempore existentis prædicti Monasterii Ecclesiam, Fabricas, Viridarium, ac Terras prædictas possidere, quam clausulam, ut vocant Constituti, volunt, & intendunt, ut nunquam tractu temporis expiret, sed semper, & perpetuo duret: liceat tamen eo casu Religiosis prædictis bona mobilia, & suppellectilia, cuiuscumque generis sint, vel speciei, ad usum Ecclesie, sive ejus Sacrificie, aut Monasterii hujusmodi quomodolibet spectantia, & pertinentia, quæ Religiosi prædicti de eorum proprio comparaverint, seu quomodolibet eis donata, elargita, aut concessa fuerint, nullo dicti Eminentissimi D. Cardinalis, ejusque in dicto Monasterio Successorum ad hoc requisito consensu, levare, & secum asportare, relictis tamen mobilibus, & suppellectilibus Ecclesie, & Monasterii hujusmodi in eisdem statu, & terminis, in quibus ad præsens reperiuntur. Ita ut si usu consumpta fuerint, alia in eorum loco submittere, & subrogare teneantur, & obligati existant, teneanturque denique Religiosi prædicti, prout dicti Definidores promiserunt, intuitu concessionis hujusmodi tradere, & consignare dicto Domino Cardinali, statim, obtento beneplacito apostolico super approbatione, & confirmatione præmissorum, & infrascriptorum, Tabulam depictam, cum effigie S. Pancratii, ut vulgo dicitur *un quadro di San Pancrazio*, & deinde futuris perpetuis temporibus in die Festo ejusdem S. Pancratii eidem Eminentissimo D. Cardinali, ejusque in dicto Monasterio Successoribus, tradere unam intorticiam Cerae albæ librarum trium: ac etiam Præpositus, & Definidores Generales prædicti, eorum propriis, & totius Ordinis, & Seminarii hujusmodi nomine concessionem, & assignationem prædictam modo, & forma præmissis factas, reservato, ut præfertur, dicto beneplacito apostolico, & non alias acceptarunt, & emologarunt, non solum præmissis, sed, & omni meliori modo.

Quæ omnia, & singula supradicta supradicti Præpositus, & Definidores propriis, & quibus supra nominibus, & dictus D. Julius Cæsar Procuratorio nomine dicti D. Cardinalis promiserunt habere rata, grata, valida, & firma, & contra non facere sub quovis prætextu, &c. alias, &c. de quibus, &c. quod juramentum, &c. pro quibus dicti Patres Præpositus, & Definidores propriis, & quibus supra nominibus, sub eadem beneplaciti reservatione bona dicti eorum Monasterii, & Ordinis, seu Congregationis, Religiosos, & Successores quoscumque in eis, & dictus D. Julius Cæsar Procuratorio nomine, quo supra dictum Eminentissimum Dominum Cardinalem, bona, &c. in forma Camere Apostolicæ cum solitis clausulis, &c. citra, &c. obli-

obligarunt, &c. renunciarunt, &c. consenserunt, &c. unica, &c., & tactis pectoribus more, &c., & scripturis respective jurarunt, &c. super quibus omnibus, & singulis præmissis petum fuit a me Curia causarum Camere Apostolicæ Notario publico infrascripto, ut unum, vel plura, publicum, seu publica conficerem, atque traderem Instrumentum, & Instrumenta, prout opus fuerit, & requisitus ero. Actum Romæ in Palatio solite habitationis Illustriss. & Reverendiss. D. Fagnani in Monte Piceno, præsentibus ibidem, audientibus, & intelligentibus Reverendiss. D. Hieronymo filio quondam Joan. Dominici Erminei Urbevetano, & D. Joanne Carolo Paschetto quondam Archangeli de Pedelucio Interamnenis Dioecesis, Testibus ad prædicta omnia, & singula vocatis, habitis specialiter, atque rogatis. Ego Antimus Curtus Curia causarum Camere Apostolicæ Notarius, de præmissis rogatus præfens Instrumentum subscripsi, & publicavi requisitus.

§.4. Nobis propterea prædictus Dominicus Præpositus Generalis humiliter supplicari fecit, ut in præmissis opportune providere, & ut infra indulgere, de benignitate apostolica dignaremur. Nos igitur dictum Dominicum Præpositum Generalem specialibus favoribus, & gratiis prosequi volentes, & a quibusvis excommunicationis, suspensionis, & interdictionis, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innotatus existit, ad effectum præsentium dumtaxat consequendum harum serie absolventes, & absolutum fore censentes: ac quarumvis literarum Apostolicarum, præfentium fel. rec. Pauli V. ac Urbani VIII., & Innocent. X. Romanorum Pontificum Prædecessorum nostrorum, etiam in simili forma Brevis super institutione dicti Seminarii, ac ordinationibus illud quovis modo concernentibus respective emanatarum, necnon Decretorum præfate Congregationis Cardinalium negotio Propagandæ Fidei Præpositorum, ac Capituli Generalis Ordinis, seu Congregationis Italiae hujusmodi concordiarum, testamentorum, codicillorum, legatorum, & aliarum dispositionum quarumcumque tenores, & datas etiam veriores, ac alia etiam speciali, & individua mentione, & expressione digna præsentibus pro plene, & sufficienter expressis, & insertis habentes, hujusmodi supplicationibus inclinati, concessionem dictæ Ecclesie S. Pancratii, & Fabricarum illi adjacentium, & Viridarii, necnon Terrarum illi vicinarum, ac annexarum, & connexarum circumcirca Ecclesiam, & Monasterium hujusmodi prædictis Dominico Præposito Generali, & Congregationi Italiae Fratrum Discalceatorum dicti Ordinis B. Mariæ de Monte Carmelo a prædicto Francisco Cardinale sicut præmittitur factam, ac confectum desuper instrumentum præfentum cum omnibus, & singulis

Bull. Rom. Tom. VI. Par. V.

lis in eo quomodolibet contentis, & expressis auctoritate Apostolica tenore præsentium perpetuo confirmamus, & approbamus, illisque inviolabilis, & perpetuae firmitatis Apostolicæ robur, & efficaciam adjungimus, ac omnes, & singulos Juris, & facti, ac solemnitatum quarumcumque in similibus etiam de necessitate observandarum, & alios quoslibet etiam substantiales, & formales defectus, si qui in præmissis, vel eorum aliquo quovis modo intervenerint, aut intervenisse dici, censeri, prætendi, vel intelligi unquam possent, supplemus, & sanamus, ac penitus, & omnino tollimus, & abolemus. Præterea in prædictis Fabricis ad usum Monasterii factis, & quæ ad eum effectum ante suppressionem prædicti Ordinis SS. Barnabæ, & Ambrosii ad Nemus serviebant, novum Conventum Fratrum Discalceatorum nuncupatorum dictæ Congregationis Italiae Ordinis B. Mariæ de Monte Carmelo, sub titulo, seu invocatione S. Pancratii cum Ecclesia ejusdem S. Pancratii, ac Viridario, & Terris supradictis itidem perpetuo erigimus, & instituiamus. Ac prædictum Seminarium S. Pauli in prædicto Conventu Sanctæ Mariæ de Victoria alias apostolica auctoritate erectum, & institutum a Conventu hujusmodi in Conventum S. Pancratii sic noviter erectum pariter perpetuo transferimus, & transportamus, seu ipsum Seminarium sub denominatione, seu invocatione ejusdem S. Pauli in dicto novo Conventu S. Pancratii, itaut idem Seminarium regimini, & gubernio memorati Dominici moderari, & pro tempore existentis Præpositi, ac Definitorii Generalis memoratæ Congregationis Italiae Fratrum Discalceatorum in omnibus, & per omnia immedia te subsit, & in illo assidue commorari debeant duodecim saltem Seminaristæ in Sacro Presbyteratus Ordine constituti, ac regulares dictæ Congregationis ex illius Provinciae assumendi, qui bonis moribus, pietate, zelo, prudentia, doctrina, aliisque virtutibus, necnon corporis sanitate præditi sint, & studium Sacræ Theologiæ compleverint, ac intra ostiduum a die ingressus cuiuslibet eorum in dictum Seminarium votum, seu juramentum eundi ad Missiones sibi injungendas in manibus dicti Præpositi Generalis, seu Superioris novi Conventus hujusmodi pro tempore existentis emittere debeant sub hac forma, videlicet: ego N. promitto me ad quamlibet Missionem pro conversione infidelium, seu hæreticorum iturum, cum obedientia id mihi injunxerit; nec ab hoc voto, seu juramento absolvi unquam possint, auctoritate, & tenore præfatis itidem perpetuo de novo erigimus pariter, & instituiamus. Volentes, & decernentes, quod præfatus modernus, & pro tempore existens Præpositus Generalis antedictæ Congregationis Italiae semper teneatur eosdem Seminaristas ad eas Missiones destinare, seu amandare, quæ ei a præfata Cardinalium Congregatione negotio Propagandæ Fidei præposita ordi-

Conferentia decretum.

Forma Juramenti.

C c 2

nata fuerint, juxta modum, seu capacitate reddituum Seminarii hujusmodi ad rationem annuorum quinquaginta scutorum pro quolibet Missionario.

§.5. Quod si dictus Praepositus Generalis in aliquo casu particulari existimaverit non expedire mitti aliquem ex dictis Seminaristis, eo casu obligatus sit alium ab eadem Cardinalium Congregatione approbandum mittere. Postquam vero quilibet Seminarista ad Seminarium hujusmodi advenit, debeat Superior ipse Seminarium pro tempore existens, eum ad dilectum filium Secretarium praedictae Congregationis Cardinalium ducere, ac in illius manibus notam diei adventus ipsius Seminaristae, necnon juramenti, seu voti praedicti per eum praestiti exhibere, ac insuper quotannis ineunte Mense Novembri notam omnium Seminaristarum tunc viventium, tam in Seminario tunc actu existentium, quam eorum, qui in Missionibus fuerint, ac denique eorum, qui juramentum, seu votum hujusmodi praestiterint, & tunc temporis, nec in Seminario, nec in Missionibus fuerint, memorato Secretario tradere cum expressione aetatis uniuscujusque illorum, necnon temporis, quo juramentum, seu votum praedictum emiserint, & quoad Missionarios a quo tempore repellantur in Missionibus, a quibus nemo possit amoveri, aut revocari absque participatione praefatae Congregationis Cardinalium. Praeterea statuimus, & ordinamus, ut novus Conventus, & Seminarium hujusmodi subiaceat curae unius Rectoris, & unius Vicerectoris Fratrum Discalceatorum dictae Congregationis Italiae ponendum, & amovendum ad nutum Praepositi Generalis, & Definitorii praefatorum, cum participatione tamen, & approbatione, quantum quidem ad Rectorem attinet dictae Congregationis Cardinalium in scriptis faciendae; ipse vero novus Conventus ita servare debeat usui Seminarii supradicti, ut in eo nemo commorari possit, praeter Seminaristas, eorumque Magistros, & Lectores controversiarum, ac linguarum Orientalium, aliosque Religiosos Ministerio Ecclesiae, & servitio domestico ipsius Seminarii necessarios, quorum electio, & amotio in futurum spectet ad memoratum Praepositum Generalem, cum participatione tamen praefatae Congregationis Cardinalium, quantum ad Seminaristas, eorumque Lectores attinet. Ad haec administrationem omnium, & singulorum bonorum, reddituum, & proventuum supradicti Seminarii, ejusque Missionibus haecenus, tam a praefato Francisco Cimino Barone, quam ab aliis quibuslibet relictorum, datorum, seu donatorum, & in posterum quovis modo dandorum, relinquendorum, & donandorum cura, & diligentia Praepositi Generalis, & Definitorii praefatorum ad quinquennium committimus, & supponimus, quae administratio finito quinquennio hujusmodi eis prorogari, seu renovari possit, si praefatae Cardinalium Congregationi

Ordinationes

ita videbitur, ea lege ut iidem Praepositus Generalis, & Definitorium constituent Syndicum ad exigendos, expendendosque redditus praefatos, qui Syndicus semel, vel bis annis singulis fidelem eorumdem reddituum rationem, tam praefato Definitorio Generali, quam memoratae Cardinalium Congregationi reddere, ac pro alimentis, & sustentatione, vestitu, famulatu, aliisque rebus necessariis dictorum Seminaristarum, eorumque Lectorum, memorato novo Conventui, ejusque Superiori ex redditibus ipsi Seminario, tam haecenus relictis, quam in posterum relinquendis scuta quinquaginta monetae annuatim pro quolibet Seminarista, & Lectore, ad rationem annuorum quinquaginta scutorum, monetae hujusmodi pro rata temporis, quolibet Seminarista, seu Lector in eodem Seminario resederit, ibique aliis cohabitaverit, & convixerit, respective solvere teneantur.

§.6. Quod si Lector pro studio linguarum fuerit Secularis, vel Religiosus alterius Ordinis, competens ei salarium, seu stipendium ex redditibus dicti Seminarii memoratae Congregationis Cardinalium arbitrio assignetur. Demum eidem Seminario sic a Nobis translato, seu de novo erecto, omnia, & singula bona, redditus, proventus, jura, actiones, & alia quaecumque cujusvis generis, speciei, & qualitatis sint, ac ubicumque locorum consistant, tam illa, quae a praefato Francisco Cimino, aliisque personis quibuslibet Seminario antedicto, ejusque Missionibus quovis modo haecenus relictis, donata, data, & elargita fuerant; quam in posterum quandocumque, & quomodocumque relinquenda, donanda, danda, & elargienda, ita ut liceat praefatis Praeposito Generali, & Definitorio ejusdem Seminarii nomine illorum omnium, & singulorum, veram, realem, & corporalem possessionem, seu quasi apprehendere, & adipisci, ac apprehensam, & adeptam retinere, auctoritate, & tenore praefatis, itidem perpetuo applicamus, assignamus, & appropriamus. Ac eisdem novo Conventui, & Seminario, necnon Seminaristis, & Fratribus dictae Congregationis Italiae in illis pro tempore commorantibus, ut omnibus, & singulis privilegiis, indulgentiis, praerogativis, gratiis, indultis, antelationibus, praerogativis, facultatibus, & favoribus, quibus alii Conventus Congregationis, & Ordinis praefatorum, ac personae in eis degentes, de jure, usu, consuetudine, & alias quomodolibet utuntur, fruuntur, potiuntur, & gaudent, ac uti, frui, potiri, & gaudere possunt, & poterunt quomodolibet in futurum, pariformiter, & absque ulla prorsus differentia uti, frui, potiri, & gaudere libere, & licite possint, & valeant, eisdem auctoritate, & tenore concedimus, & indulgemus.

§.7. Decernentes easdem praesentes literas, & in eis contenta quaecumque, etiam ex eo, quod quicumque in-

Clausulas apposuit.

pra-

praeiudicium interesse habentes, seu habere quomodolibet praetendentes, cujusvis status, gradus, ordinis, conditionis, & dignitatis, aut alias specialis, & individuae mentione digni existant, illis non consentierint, aut ad ea vocati, citati, & auditi, seu causae, propter quas praesentes emanarunt, adductae, verificate, & justificate non fuerint, vel ex alia quacumque quantumvis iusta, legitima, pia, & privilegiata causa, colore, praetextu, & capite, etiam in corpore juris clauso, etiam enormis, enormissimae, & totalis laesionis, nullo unquam tempore de subreptionis, vel obreptionis, aut nullitatis vitio, vel intentionis nostrae, seu interesse habentium consensus, aliove quolibet, quantumvis magno, ac formali, & substantiali, necessariamque expressionem, requirentem defectu, notari, impugnari, infringi, retractari, in controversiam revocari, aut ad terminos juris reduci, seu adversus illa quodcumque juris, facti, vel gratiae remedium impetrari, vel intentari, aut impetrato, vel etiam Motu proprio, ac de Apostolica potestate plenitudine concessio, vel emanato quempiam in iudicio, vel extra illud uti, seu se juvare posse, neque ipsas praesentes literas sub quibusvis similibus, vel dissimilibus confirmationum, erectionum, translationum, applicationum, assignationum, appropriationum, concessionum, indultorum, & gratiarum revocationibus, limitationibus, restrictionibus, derogationibus, aliisque contrariis dispositionibus, etiam per Nos, & Romanos Pontifices Successores nostros, Sedemque Apostolicam sub quibusvis verborum tenoribus, & formis, ac cum quibuslibet clausulis, & Decretis quodcumque faciendis unquam comprehendi, aut comprehensas censerent, sed semper ab illis exceptas, & quoties ille emanabunt, toties in pristinum, & validissimum statum restituras, repositas, & plenarie reintegratas, ac etiam de novo sub quacumque posteriore data per praefatos Praepositum Generalem, & Definitorium, ac Superiorem, Seminaristas, & Fratres novi Conventus, & Seminarii hujusmodi pro tempore existentes eligenda concessas, intelligi, semperque firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit, plenissime suffragari, & ab illis respective inviolabiliter observari. Sicque, & non aliter in praemissis omnibus, & singulis censerent, atque ita per quoscumque Iudices ordinarios, & delegatos, etiam causarum Palatii Apostolici Auditores, ac ejusdem S.R.E. Cardinales, etiam de latere Legatos, & alios quoslibet quavis auctoritate, & potestate fungentes, & functuros, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiri debere, ac irritum, & inane si quid secus super his a quoquam quavis auctoritate scienter, vel ignoranter contigerit attentari.

§.8. Non obstantibus praemissis, necnon praefatis nostris, ac memoratorum Pauli Urbani, & Innocentii Praedecessorum etiam in simili forma Brevis literis, & concordis, legatis, testamentis, codicillis, & dispositionibus ex quacumque causa, occasione, & tempore haecenus factis, conditis, emanatis, publicatis, exequutis, & observatis respective, & aliis etiam ultimis voluntatibus, quas quoad praemissa sufficienter, & expresse commutamus, ac nostra, & Cancellariae Apostolicae regula de non concedendis indulgentiis ad instar, & quatenus opus sit illa de unionibus, & applicationibus committendis ad partes, vocatis quorum interest, exprimendoque in illis vero valore, ac Lateranensis Concilii novissime celebrati uniones perpetuas, nisi in casibus a jure permittis, fieri prohibendo, necnon rec. mem. Pauli Secundi, & aliorum Romanorum Pontificum Praedecessorum pariter nostrorum de rebus Ecclesiae non alienandis, aliisque Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, ac praefatorum Monasterii, & Ecclesiae S. Pancratii, Conventus S. Mariae de Victoria, & Seminarii, necnon, Provinciae Romanae, Congregationis Italiae, & Ordinum hujusmodi, aliisque quibuslibet, etiam juramento, confirmatione Apostolica, vel alia quavis firmitate roboratis statutis, & consuetudinibus, privilegiis quoque, indultis, & literis Apostolicis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis in genere, vel in specie, ac alias in contrarium quomodolibet concessis, approbatis, & innovatis, aliisque omnibus, & singulis, quae in supradictis literis nostris volumus non obstare. Quibus omnibus, & singulis, etiam pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, illorum tenores, causas, formas, & occasiones praesentibus pro plene, & sufficienter, ac de verbo ad verbum insertis, expressis, & servatis respective habentes, illis alias in suo robore permanentibus, ad praemissorum effectum specialiter, & expresse, ac plenissime, & amplissime derogamus, & derogatum esse volumus, ceterisque contrariis quibuscumque.

Datum Romae apud S. Mariam Majorem sub Annulo Piscatoris, die 1. Martii 1662. Pontificatus nostri Anno VII.

Dat. die 1. Martii 1662. An. VII.

Derogatio contrariorum

Super

Super unione Congregationum Monachorum Vallis Umbrosæ, & Sylvestrinorum nuncupatorum, sub Regula S. Benedicti militantium, in unam Congregationem, quæ Vallis Umbrosæ, & Sylvestrina Ordinis S. Benedicti nuncupabitur.

Monachorum Sylvestrinorum Congregationem fundavit S. Sylvester Guzzolinus Abbas Auximanns Paul.V. Const. 276. Sanctorum Tom. 5. Par. 4. fol. 236. Monachorum Vallis Umbrosæ Institutor fuit S. For. Gualbertus Cælest. III. Constit. 3. Religiosam Tom. 2.

ALEXANDER PAPA VII.

Ad perpetuam rei memoriam.

Proccinium.

Omnipotentis Dei, cujus ineffabili bonitate, & providentia stant, & reguntur universa, vices (licet immeriti) gerentes in terris, ad ea peculiare vigilantia nostræ curas propensissima charitate convertimus, quæ felici, prosperoque statui, & regimini Congregationum virorum sub suavi Christi jugo laudabilibus vitæ Monasticæ institutis incumbentium, uberesque bonorum operum fructus, aspirante divina gratia, proferre jugiter satagentium conducibilia fore, prudenti deliberatione prævia arbitramur.

Motiva hujus Constitut.

§.1. Cum itaque Congregationes Monachorum Vallis Umbrosæ, & Sylvestrinorum nuncupatorum sub eadem, nempe S. Benedicti Regula militent, si vero hæc sub unius Superioris Generalis gubernio unirentur, & in unum corpus conjungerentur, inde non modicum divini servitii, utilitatisque utriusque Congregationis hujusmodi proveniret incrementum, & inter ipsarum Congregationum Professores charitatis, aliarumque religiosarum virtutum studia magis magisque in dies florent, & vigerent: Hinc est, quod Nos ex Pastoralis officii nostri debito earumdem Congregationum felici statui, & commodis salubriter quantum Nobis ex alto conceditur, providere cupientes.

Unie ambas Religiones.

§.2. Motu proprio, & ex certa scientia, ac matura deliberatione nostris, deque apostolicæ potestatis plenitudine easdem Congregationes Monachorum Vallis Umbrosæ, & Sylvestrinorum nuncupatorum, ac omnia, & singula utriusque illarum Monasteria, Grangias, Conventus, Membra, & alia loca regularia quæcumque ad illas quovis modo spectantia, & ab ipsis Congregationibus, earumque Monasteriis, & locis regularibus quomodocumque, & qualitercumque dependentia in unam Congregationem, quæ Congregatio Vallis Umbrosæ, & Sylvestrina Ordinis S. Benedicti nuncupari, & conjunctis ambarum Congregationum prædictarum insignibus uti debeat, tenore præsentium perpetuo jungimus, & unimus: Volentes, ut uni-

versa Congregatio sic ex duabus in unam coalescens, in tres Professiones in omnibus inter se, ac penitus, & omnino coæquatas, quarum una S. Benedicti, & altera S. Joannis Gualberti, ac tertia Sylvestrina respective vocentur, divisa sit: Electio autem Abbatis Generalis alternatim, & perturnum inter easdem Professiones fiat, & Abbas Generalis pro tempore electus universæ Congreg. hujusmodi caput existat.

§.3. Quandocumque vero Abbas Generalis ex una professione fuerit, Visitatores ex aliis duabus professionibus assumantur. Porro electio Abbatis Generalis post modernum ex toto gremio Capituli Generalis de persona habili fiat, nullo habito ad ullam professionem respectu, & finito Generalatu electi, eadem forma eligatur ad subsequendum quadriennium unus ex professione Sylvestrina, nisi tamen ex illa assumptus fuerit Abbas Generalis pro quadriennio antecedenti, ita ut a primo electo turnus, seu alternativa incipiat.

Nonnullæ ordinationes.

§.4. Statuentes, ut quando Abbas Generalis fuerit ex aliqua distarum professionum S. Benedicti, & S. Joannis Gualberti, Vicarius Generalis Congregationis hujusmodi semper sit ex Professione Sylvestrina, & vice versa, si ex Professione Sylvestrina fuerit Abbas Generalis, ex aliqua prædictarum S. Benedicti, & S. Joannis Gualberti Professionum assumatur Vicarius Generalis. Quod si prius electus in Abbatem Generalem unus ex illa aliarum duarum professionum, quæ Abbatem Generale m prius immediate non habuerit: Vicarius autem Generalis secundum in universa Congregatione hujusmodi locum habeat, omnique facultate, quæ Vicario Generali competere solet (præterquam eligendi, vel removendi Superiores, & Officiales, ac mutandi, seu transferendi Monachos ab uno loco in alium abique occasione gravis scandali, & casus urgentis) potiat, & in casu vacationis Generalatus succedat Vicarius Generalis in omnibus, & per omnia cum auctoritate Abbatis Generalis usque ad novam electionem, quæ tertia Dominica post Pasca Resurrectionis Dominicæ vacationem hujusmodi immediate subsequente fieri debeat.

§.5. Præterea statuimus, ut universæ Congregationis prædictæ in Romana Curia Procurator Generalis pariformiter, sicut Abbas Generalis alternatim eligatur, cum restrictivis, & clausulis supra expressis quoad electionem Abbatis Generalis, ita tamen, ut si prima vice Abbas Generalis ex Professione Sylvestrina non eligatur, debeat ex illa eligi Procurator Generalis.

§.6. In quolibet autem Capitulo Generali eligantur novem Definitores, tres videlicet ex singulis illis Professionibus, ex quibus Abbas Generalis non fuerit assumptus, duo vero ex illa, quæ ea vice habuerit Abbatem Generalem, qui semper sit, & intelligatur esse caput Definitorii, & novennarium Definitorum numerum compleat. Porro extra Capitulum in causa

sa vacationum electio novorum Abbatum Vocalium, & Officialium fiat ab Abbate Generali, & duobus Visitatoribus; prius tamen Definitores illius Professionis, in qua vacatio contigerit, tres Monachos habiles per vota secreta eligant proponendos Abbati Generali, & Visitatoribus, qui aliquem ex tribus nominatis in Abbatem Vocalem, & Officiale eligere teneantur. Eveniente vero legitima vacatione unius, vel plurium ex prædictis tribus Definitoribus, unus, vel plures Abbates ejusdem professionis illi ex dictis tribus Definitoribus, qui Professione antiquior fuerit, viciniores advocentur. Et hic idem stylus etiam servetur in casu vacationis Visitatorum extra Capitulum.

§.7. Quilibet autem electio, tam in Capitulo, quam extra Capitulum celebranda, per duas ex tribus partibus suffragiorum fiat, alioquin sit nulla. Ad hæc volumus, ut quicumque Monachi trium professionum antedictarum, qui sunt, & usque ad publicationem novarum Constitutionum erunt capaces cujusvis gradus, in sua habilitate remaneant.

§.8. Constitutiones vero ambarum Congregationum per præsentem in unam conjunctarum a tribus ex Vallis Umbrosæ, qui sint Abbas Generalis, & duo Visitatores, necnon ab aliis tribus Monachis ex Sylvestrinorum Congregationibus hujusmodi, qui sint Vicarius Generalis, ac Procurator Generalis, & primus Visitator, revideantur. Ipsæque Constitutiones sic revisæ, & redactæ, a Capitulo Generali approbentur, & Nobis subinde confirmationis apostolicæ desuper obtinenda gratia præsententur.

Sequuntur Ordinationes

§.9. Debita autem hucusque contracta a prædictis duabus Congregationibus solvantur districte, sicut modo sit, nec sint communia, ad debita vero contrahenda, & expensas faciendas post præsentem unionem, quæ concernent corpus Religionis, concurrant omnes Professiones pro rata.

§.10. Præterea volumus pariter, & ordinamus, ut dilectus filius modernus Abbas Generalis Congregationis Vallis Umbrosæ Generalatum universæ Congregationis Vallis Umbrosæ, & Sylvestrinæ hujusmodi gerat, dilectus vero pariter filius modernus Abbas Generalis Congregationis Sylvestrinorum remaneat Vicarius Generalis Congregationum Vallis Umbrosæ, & Sylvestrinæ, ut præfertur, conjunctarum, & in sua Professione Sylvestrina eandem auctoritatem, eandemque denominationem, quam nunc habet, retineat usque ad Capitulum Generale, & casu quo deficiat Abbas Generalis, Generalatum totius Congregationis suscipiat gerendum usque ad novam electionem, ut supra faciendam.

§.11. Dilecti quoque filii moderni Procuratores Generales, tam Vallis Umbrosæ, quam Sylvestrinæ Congregationis prædictarum remaneant Procuratores respective suarum Professionum eo modo, quo nunc sunt usque ad Capitulum Generale; quod si interea aliquis eorum cessaverit

ab officio, alter remaneat Procurator Generalis ambarum Congregationum insimul unitarum: pari modo dilecti filii moderni Visitatores Sylvestrini in suis muneribus remaneant usque ad finem eorum triennii, quo tempore durante tantum Abbas Generalis una cum illis Professionem Sylvestrinam visitare possit: Finito vero triennio hujusmodi, eo anno qui superest usque ad Capitulum Generale, tam Visitatores Sylvestrini, quam duo Vallis Umbrosæ una cum Abbate Generali universam Religionem visitent, idque intelligatur pro dicto quarto anno; postmodum vero observetur in novo Capitulo Generali illud quod supra decretum est circa Visitatores, quod si durante dicto triennio aliquis ex Monasteriis Professionis Sylvestrinæ vacatio occurrat, possit illius Vicarius Generalis nominare Monachum habilem Abbati Generali, a quo nominatus instituitur, & hæc forma observetur usque ad Capitulum Generale. Præfate autem electiones, & electi, necnon omnes moderni Superiores Sylvestrini in suis Superioritatis Officiis durent usque ad dictum Capitulum Generale, in quo pro novis electionibus faciendis ad probitatem, ac virtutes, & merita promovendorum attendatur.

§.12. Postremo eidem Congregationi per præsentem unionem ex duabus in unam coalescenti, ejusque Monasteriis, & aliis locis Regularibus, ac Superioribus, Monachis, & personis quibuscumque, ut omnibus, & singulis privilegiis, gratis, indulgentiis, indultis, tam spiritualibus, quam temporalibus, prærogativis, præminentiis, antelationibus, honoribus, & favoribus, tam a Nobis, quam a Romanis Pontificibus Prædecessoribus nostris, & Sede Apostolica cuilibet ex memoratis duabus Congregationibus quovis modo, & qualitercumque concessis uti, frui, potiri, & gaudere libere, & licite possint, & valeant, motu, scientia, deliberatione, & potestatis plenitudine paribus concedimus, & indulgemus.

Clausulas apponit.

§.13. Decernentes easdem præsentem literas, & in eis contenta quæcumque etiam ex eo quod quilibet in præmissis, seu eorum aliquo jus, vel interesse habentes, seu habere quovis modo prætendentes, cujusvis status, gradus, præminentie, superioritatis, ordinis, conditionis, & dignitatis existant, etiam si Cardinalatus honore fulgeant, aut alia quavis Ecclesiastica, vel mundana dignitate præditi, seu alias specialia, & individua mentione, & expressione digni sint, illis non conferent, aut ad ea vocati, citati, & auditi, seu causæ, propter quas præsentem emanarunt, adductæ, verificatæ, & sufficienter, aut nullo modo justificatæ non fuerint, vel ex alia quacumque, quantumvis justa, juridica, pia, & privilegiata causa, occasione, colore, ingenio, prætextu, & capite, etiam in corpore juris clauso, etiam enormis, enormissimæ, & totalis læsionis, nullo unquam tempore de subreptionis, vel obreptione

ptionis, aut nullitatis vitio, vel intentionis nostræ, seu jus, vel interesse habentium, seu habere præcedentium consensus, aliove quovis, quantumlibet magno, formali, substantiali, ac incognito, & inexcogitabili, necessarioque, & specificam expressionem requirente defectu notari, infringi, impugnari, retractari, limitari, modificari, in controversiam vocari, aut ad terminos juris reduci, seu adversus illas, & illa a peritionis oris, restitutionis in integrum, aliudve quodcumque juris, facti, vel gratiæ remedium impetrari, vel intentari, aut impetrato, vel etiam motu, scientia, & potestatis plenitudine similibus concessio, vel emanato quempiam in iudicio, vel extra illud uti, seu se juvare posse, neque ipsas præsentis literas sub quibusvis similibus, vel dissimilibus unionum, conjunctionum, statutorum, ordinationum, concessionum, & indulgentiarum revocationibus, restrictionibus, limitationibus, derogationibus, aliisque contrariis dispositionibus, etiam per Nos, & quoscumque Romanos Pontifices Successores nostros, Sedemque prædictam sub quibuscumque verborum tenoribus, & formis, ac cum quibusvis clausulis, & decretis, & alias quomodocumque, & quândocumque faciendis unquam comprehendere, aut comprehensas censerî, sed semper ab illis exceptas, & quoties illæ emanabunt, toties in pristinum, & validissimum statum restitutas repositas, & plenarie reintegratas, ac etiam de novo sub quacumque posteriore data per eos, ad quos spectat, & pro tempore spectabit quândocumque eligenda concessas intelligi, semperque, & perpetuo firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit, in omnibus, & per omnia plenissime suffragari, & ab illis respective inviolabiliter, & inconcusse observari; Sicque, & non aliter in præmissis omnibus, & singulis censerî, atque ita per quoscumque Judices ordinarios, & delegatos, etiam causarum Palatii Apostolici Auditores, ac S. R. E. Cardinales, etiam de latere Legatos, & distæ Sedis Nuncios, aliosve quoslibet quavis auctoritate, & potestate fungentes, & functuros, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Exequutores deputat.

§. 14. Quocirca Venerabilibus Fratribus nostris Ostiensis, & Portuensis Episcopis, ac dilecto filio Causarum Curie Camera Apostolicæ Generali Auditori per eandem præsentibus motu pari committimus, & mandamus, quatenus ipsi, vel duo, aut unus eorum per se, vel alium, seu alios ipsas præsentibus literas, & in eis contenta quacumque ubi, & quando opus fuerit, & quoties pro parte interesse in præmissis habentium, seu illorum, quos præsentibus litera

concernunt, aut alicujus eorum fuerint requisiti, solemniter publicantes, illisque in præmissis efficacis defensionis præsidio assistentes, faciant auctoritate nostra illos, & eorum singulos ipsarum præsentium literarum, & in eis contentorum huiusmodi commodo, & effectu pacifice frui, & gaudere, non permittentes illos desuper per quoscumque quomodolibet indebite molestari, perturbari, inquietari, vel quovis modo impediri, præmissaque omnia, & singula curent, & faciant ab omnibus, & singulis, ad quos spectat, & pro tempore quândocumque spectabit, realiter, & cum effectu, ac exacte, & inviolabiliter observari: Contradictores quoslibet, & rebelles per sententias, censuras, & poenas ecclesiasticas, aliaque opportuna juris, & facti remedia, appellatione postposita compescendo, legitimisque super his habendis servatis processibus, sententias, censuras, & poenas ipsas etiam iteratis vicibus aggravando, interdictionem Ecclesiasticam apponendo, invocato etiam ad hoc, si opus fuerit, auxilio brachii secularis.

§. 15. Non obstantibus præmissis, ac quatenus opus sit, de jure quæsto non tollendo, deque unionibus perpetuis committendis ad partes, vocatis quorum interest, & de non concedendis Indulgentiis ad instar, aliisque nostris, & Cancellariæ Apostolicæ Regulis, necnon Lateranensis Concilii uniones perpetuas, nisi in casibus a jure permissis fieri prohibentis, ac fel. rec. Bonifacii Papæ VIII. Prædecessoris nostri de una, & Concilii Generalis de duabus dietis, dummodo ultra tres dietas aliquis auctoritate præsentium ad iudicium non trahatur, aliisque Apostolicis, ac in universalibus, Provincialibusque Conciliis editis generalibus, vel specialibus Constitutionibus, & Ordinationibus, ac prædictarum Congregationum Vallis Umbrosæ, & Sylvestrinorum, illarumque Monasteriorum, & locorum Regularium quorumvis & aliis quibuslibet etiam juramento, confirmatione apostolica, vel alia quavis firmitate roboratis statutis, stylis, usibus, & consuetudinibus etiam immemorabilibus, privilegiis quoque, indultis, & literis Apostolicis eidem Congregationibus, seu eorum alteri, illarumque, seu alterius eorum Superioribus, Monachis, Personis, Monasteriis, & locis Regularibus quibuslibet, sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, ac irritantibus, & aliis decretis in genere, vel in specie, ac alias in contrarium præmissorum quomodolibet concessis, confirmatis, & innovatis. Quibus omnibus, & singulis, etiam si pro illorum sufficienti derogatione, de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio faciendâ, aut aliqua alia exquisita forma ad hoc servanda foret, illo-

illorum tenores, causas, formas, & occasionem præsentibus pro plene, & sufficienter, ac de verbo ad verbum nihil penitus omisso, insertis, expressis, servatis, & specificatis habentes, illis alias in suo robore permanfuris, ad præmissorum effectum specialiter, & expresse, ac plenissime, & amplissime derogamus, & derogatum esse volumus, cæterisque contrariis quibuscumque.

Transumptis dista sedes.

§. 16. Volumus autem, ut earumdem præsentium literarum transumptis, etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis eadem, prorsus fides in iudicio, & extra illud ubique adhibeatur, quæ ipsis præsentibus adhiberetur, si forent exhibitæ, vel ostensæ.

Dat. die 29. Mart. 1662. An. VII.

Datum Romæ apud S. Mariam Majorem sub Annulo Piscatoris, die 29. Martii 1662. Pontificatus nostri Anno VII.

CCCLXXXIV.

Ex Reg. Brevis Secret. Brevis.

Decretum circa Visitatores Officio Functionos Congregationis Lateran. Canonico-regularium Ordinis S. Augustini.

ALEXANDER PAPA VII.

Ad perpetuam rei memoriam.

Ex his, qui visitatoris officio functi sunt unus tantum in qualibet Prov. Prælati tempore.

§. 1. CUM in Constitutionibus Congregationis Lateranensis Canonico-regularium Ordinis Sancti Augustini dispositum sit, ut qui Visitatoris Officio functi sunt, remaneant in perpetuum Prælati Titulares cum voce activa, & passiva in Capitulis Generalibus, ac Diets; id vero in grave regularis observantiæ præjudicium, ac Monasteriorum, Provinciarumque dispendium cedere compertum sit: Nos opportune hac in re providere cupientes; Motu proprio, ac ex certa scientia, & matura deliberatione nostris, deque Apostolicæ potestatis plenitudine tenore præsentium decernimus, ut ex iis, qui Visitatoris Officium in posterum expleverint, unus tantum pro qualibet Provincia, & qui in eodem sit antiquior, tanquam Prælati, & Definitor habeatur ad prædictarum Constitutionum præscriptum, eoque aut per obitum, aut alia ex causa deficiente, proximior pro officii antianitate assumatur (modo aliquod non obstat canonicum impedimentum) exceptis tamen Generalibus, qui absque tali discrimine perpetui Definitores habeantur.

Clausula.

§. 2. Decernentes pariter easdem præsentibus Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore spectabit, inviolabiliter observari; Sicque in præmissis per quoscumque Judices ordinarios, & delegatos, etiam Causarum Palatii Apostolici Auditores, iudicari, & definiti debere, ac irritum, & inane, si Bull. Rom. Tom. VI. Par. V.

secus super his a quoquam quavis auctoritate scienter, vel ignoranter contigerit attentari.

Contrariis derogat.

§. 3. Non obstantibus præmissis, ac Constitutionibus, & Ordinationibus Apostolicis, necnon distæ Congregationis, etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanfuris, ad præmissorum effectum, hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud Sanctam Mariam Majorem, sub Annulo Piscatoris, die vigesima nona Martii 1662. Pontificatus nostri Anno VII.

Dat. die 29. Mart. 1662. An. VII.

CCCLXXXV.

Deputatio Vicarii Apostolici Ecclesiæ Bisuntin. cum revocatione cujuslibet alterius a Capitulo Bisuntin. electi.

Ex Reg. Brevis Secret. Brevis.

Dilecto filio Joanni Dorivalio Archidiacono Luxovien., ac Canonico Ecclesiæ Bisuntin.

ALEXANDER PAPA VII.

Dilecte fili salutem, & apostolicam benedictionem.

ONerosa Sacrosancti Apostolatus curæ humilitati nostræ, nullo licet meritorum nostrorum suffragio divinitus imposita postulat, ut earum præcipue Ecclesiarum, quæ Pastoribus viduatae sunt, periculis salubriter occurrere, & utilitatibus consulere quantum Nobis ex alto conceditur studeamus.

Proemium.

§. 1. Cum itaque (sicut accepimus) Metropolitana Ecclesiæ Bisuntin. per obitum bo: mem. Joannis Jacobi ultimi illius Archiepiscopi nuper defuncti solatio Pastoris destituta sit, ipsiusque Ecclesiæ Capitulum, & Canonici ex causa, & occasione electionis Guglielmi Humberti Præcipiani, seu de Præcipiano in Decanum ejusdem Ecclesiæ contra mandata nostra temerario ausu attentata, & nulliter factæ inter se dissideant, & pars quidem eorum Nobis, & Apostolicæ Sedi (ut par est) obedientes sint, altera vero pars, videlicet dictus Guglielmus Humbertus, aliique singuli Canonici, qui in ipsius Guglielmi Humberti electionem huiusmodi per se ipsos, vel Procuratores consenserunt, ac vota dederunt, ab executione Sacrorum Ordinum, & ab exercitio quorumcumque officiorum per nostras in simili forma Brevis literas die 5. Decembris proxime præteriti expeditas, quarum tenorem præsentibus habe-

Motiva.